

宋順之著刊



梅花鐵石山房詩鈔

沈梓實題

977572

梅花鐵石山房

詩鈔

南海潘倬齡題



光緒庚子仲夏  
梨於梅州



自雅頌熄而雜體陳楚謠漢風代有著作其至今  
存焉者不數數觀矣若夫名湮沒而不彰者何可  
勝道雖然人以詩存亦其人之不幸矣予自齠齠  
卽好爲詩顧學荒途雜見聞孤陋四始六義之說  
闇如也壯歲衣食奔走每當行旅登臨感事懷人  
輒道然有作作卽隨手散佚不可復紀繼念半生  
踪跡一寄於詩爰將四十以前舊作稍稍收葺之  
什不得二三其間旣存而復削旣削而復存者屢  
矣及從吾友朱跂惠遊與之朝夕討論格

聲病因出向之所存者以就正跂惠喟然曰夫詩  
也而豈易言存哉蓋人必有餘詩之外乃能得於  
詩之中區區格律聲調猶其末焉耳子之詩不求  
靳勝於古固自有可存之面目在雖然崑山片玉  
桂林一枝多云乎哉乃爲選訂得詩一百六十首  
復歸於予予謝不敏而謹受教今跂惠往矣繼自  
今予之詩果可存耶抑可削而焚之耶不復能起  
跂惠而質之矣每覽是編不禁慨然生存沒之感  
也因朋儕索觀者多急於付梓將以省鈔胥也若

遂謂可存則吾斯未能信

光緒二十有六年庚子夏五宋彥成自叙

宋順之狀文詩畫皆擅畫則素  
常乞詩則予從未親蓋近數十年  
來彼徒以強名不彈取者惟少  
年時之作耳年少時收得舊作未  
及先令希曉帳三伯父偶檢書展  
得之前久贈之梅花錢石以房詩鈔  
在卷中又少年時所作伯父知予  
願將詩畫呈以贈余讀海珠覽賦  
然以詩畫意用內甚雅清以又予  
老矣然幸健在余玩幸得此詩似未  
得此畫之佳似日情更畫更悅以  
是亦願

梓實誥

光緒二十六年五月



梅花鐵石山房詩鈔

平江宋彥成順之

蘭

蘭如君子交。招之入我宅。又如美麗者。邀之共晨夕。良友與佳人。芬芳且蘊藉。冒雨花含青。凌煙葉凝碧。灌溉時殷勤。栽培更護惜。養花花竟開。一枝禁人摘。愛此王者香。香祖誰能識。

池塘晚眺

屋角放新晴。扶筇散晚行。雲飛水底影。樹滴雨餘聲。

梅花鐵石山房詩鈔卷上

曲塢花爭放。長隄草怒生。幾番蛙鼓吹。窗紙現燈明。

偶成

秋池漲雨了無痕。草映疏簾綠到門。直道終疑乖世俗。愁懷每懶向人言。貪看小蝶迷花塢。耽咏新詩侑酒尊。獨上危樓惆悵望。西風落葉報黃昏。

七夕

天畔雙星欲渡橋。銀河耿耿夜迢迢。深閨不乞尋常巧。但乞年年是此宵。

齒痛屢月作此解嘲

天地賦物形予齒角自缺人生當齟齬齒落復能  
茁老方狗竇開齒亡唇露穴愧我正英年爾齒何  
遽絕恍如翁子妻求去倍急切動之若危巢觸之  
聲格桀顧念骨之餘珍重時相恤投以清涼散潤  
以碧蓮節扶救窮千方痛猶時作輟不寐仰首思  
終莫得其說夢齒告予言孰不圖哺啜相依二十  
載糟糠難下咽貧窮父不子是以輕離別予始聞  
而驚繼也不亦悅否極泰自生窮通無定轍敵得  
菜根香會須五鼎設耕鑿食力時不才誅饕餮惡  
馬易害羣剪除貴勇決永逸期一勞攻擊標流血  
酌酒奏膚功醜類已殄滅持梁笑齒肥請以卜異  
日

圓圓詠

響屨迴廊獨占春浣紗溪畔證前身滅吳功若推  
西子端合凌煙畫美人

綠吊鐘花

別有鴻鈞鼓鑄功奇葩爭放嶺雲東疏林月落塵



難染靈峽苔深籟盡空色相許參懷素紙餘香常  
繞法王宮睢園隨意尋芳去螺黛天開畫倍工

### 歲暮書懷

紙帳梅花俗障空圍爐真箇笑冬烘酒因醉後翻  
豪飲詩爲窮多轉不工雲影恰分山遠近鳥聲未  
辨樹西東朝秦暮楚成遊客兩度移巢一歲中  
四壁眞當陋室銘霜高冷意透疏櫺一池碧水涵  
虛鏡半角青山作畫屏不遇休將文問世無官也  
愧案勞形此中消遣知何物紅燭金尊醉未醒

### 後二日再成

梅花鐵石山房詩鈔卷上

三

毀譽全平氣概空雲煙四壁畫圖烘事多似弈無  
高著律細如詩不易工豈有才名空冀北任他譚  
語說遼東依人王儉違虛願又送殘年爆竹中  
負曝恩堪絛纊銘西山當戶翠侵櫺金尊酒煖迷  
花塢銀蠟光寒冷石屏灑脫性眞無媚俗周旋禮  
廢始忘形乾坤許大容疏散讀盡離騷取獨醒

### 挹爽齋卽事

春風開遍野棠梨舊日雕梁喜借栖種竹聊除官

舍俗看山恰愛女牆低畫研新墨惟求淡書積匡  
床人不齊故里歸耕無半畝浪遊那復計東西

病起感懷

子規啼徹綠楊煙黃嬾相隨夜引眠春去無聲三  
月雨星寒有態一燈天病餘身似中興國客久家  
同不繫船自笑風流高格調江湖淪落又經年

客遊羅陽僦居試院

殊方人語聽輶軒蠻徼天開石徑幽官職尚循唐  
刺史賓僚非復古諸侯崖懸老樹盤根掛水落空

梅花鐵石山房詩鈔卷上

四

江夾岸流近覺詩多湖海氣此身久已付閒鷗

贈劉宋兩生長歌

毘陵劉子無詩名我愛其詩本天成榕城宋子畫  
可喜我愛其畫得神理舊雨欣逢重握手索畫求  
詩日數走索畫未來予以詩求詩不與醉以酒讀  
詩已得畫之神有酒可參詩中妙狂談歡會能幾  
時惆悵歸帆懸夕照忽然萬幅雲山排眼前有畫  
無詩難兩全古來畫肥與詩瘦覆醬燒新總茫然  
誇倪黃說李溫億萬百千年後將安存悠悠浮名



不足尙不如各將詩情畫理侑酒尊欲畫卽畫率  
吾性欲吟不吟存吾真月白風清不醉飲君不見  
門前桃李空笑人

六都山行遇雨口占

南檄蠻荒裔欣看薄俗捐  
獠狂思昔日生聚自何  
年墟落迷新靄人家起暮煙  
桑麻雞犬地榆柳鷗  
鴟天我愧隨車澤誰爭叱馭先  
泥塗真笑辱雲水  
證前綠嶺樹遮雙目藍輿倚一肩  
地窮山錯壤雨  
過水平田新稻綠如染  
好花紅欲然危橋凌絕澗  
平地走鳴泉石爛疑蹲獸  
林昏欲墮鳶水機聲軋  
軋草色恨緜緜塔迴孤城外  
碑橫古道前苦吟身  
健在聊當紀遊篇

燕

簾櫳風靜玉鈎斜鳳泊鸞飄枉共嗟  
作客棲遲渾不定依人生計恐全差  
輕穿弱柳沾飛絮細蹴香塵誤落花  
記取姑蘇舊臺館烏衣門巷是兒家  
春來秋去一身閒終日柴扉未掩關  
繫卵屢驚巢幕上新雛且喜報梁間  
白頭有夢雙栖穩紫頰

無功萬里還。稍喜主人情。尚重泥痕猶。認夕陽斑。  
雜咏史事。

前有諸葛公。後有王景畧。才業雖不同。出處殊相。  
若孔明輔後主。蔣費國是託。延熙景耀間。餘澤猶。  
未薄。王猛戒圖晉。身後禍旋作。何物王昭遠。亦有。  
擬管樂。手執鐵如意。指揮多乖錯。符拔比麒麟。善。  
戲不爲虐。咄咄殷深源。更當東高閣。

碧虛巖題石

日落荒城勢欲吞。碧虛古洞接山村。驚人蝙蝠連。

梅花鐵石山房詩鈔卷上

六

羣出歸牧牛羊。逐隊奔峭壁。倒垂懸石乳。危岩孤。  
聳露雲根。巨霸遺跡成圖畫。斧劈痕兼雨漏痕。

己丑四月。吾宗凱臣少尉來遊瀧東。予適。

寄硯於茲。舊雨相逢。文酒之讌。連日娛。  
樂。乃以事牽。不能久聚。少陵云。同姓古。  
所敦。此日之黯然魂銷者。不比尋常贈。  
別也。以詩送之。

聞君自遠來。掃徑迓芳躅。相見各懽欣。風塵看面。  
目。尊酒讌嘉賓。豪飲輸金谷。狂談夜漏深。呼童移。



短燭此中少可語君來滌塵俗出示歌瑯篇清言  
霏屑玉爲寫飛瀑圖雲煙排十幅宴遊歡未已忽  
聽載驪曲徘徊欲贈言芳草萋以綠嗟君清妙才  
薄宦羈司獄羨君堅定操理不終潛伏淬厲劍益  
銛照乘珠難櫃丈夫不憂貧流言何足辱燕雀處  
堂時安能知黃鵠顧自惜羽儀行矣此敬勗

### 乳母行

乳母弄兒歡乳母憶兒苦衆中笑撫他人兒長別  
我兒心惻楚憶昔出門時不敢與兒見見兒傷母  
心見母增兒戀兒之撫摩煩阿婆阿婆駘背七十  
過昨日阿婆來言兒身有病明知兒病因略問不  
敢竟兒生兒死復何語飲泣空房淚潛雨

端州石硯以水巖大西洞中層爲最嗜者

成癖予近得四硯其一蓮葉式殆類紫  
雲餘三方則青花也

紫玉產端溪奇名難罄數蕉白與天青撻羅煩硯  
譜四美具一朝歙州不足伍圓者葉田田方者若  
絮矩微瑕不掩瑜雕琢資月斧大璞貴不完頑石

詎能補不尙價千金但欲墨飛舞與爾訂石交慰  
我苦吟苦相對几席間商山鬚眉古

小佳三十韻

小佳瀧江水緣何拾翠鈿歌喉聽宛轉羽袂舞蹁  
躚一顧周郎誤三挑子貢前香桃憐骨瘦苦李識  
心堅豪飲傾觴醉橫陳對榻眠拋家雲鬢散傾國  
石華妍媸媿金搖步亭亭玉比肩迴波排蝶板小  
海奏鷗絃具有鬚眉概全教粉黛蠲軍容娘子隊  
技學美人拳米玉私窺久司勳舊恨牽故雄疑隱

梅花鐵石山房詩鈔卷上

八

約此豸惜嬋娟采鳳隨鴉怨銀河願鵲填譚言空  
阻滯眉語暗相傳黃鵠詞原假倉庚妬始搢卿眞  
能解意我見亦生憐喜作徵帷夢還思織屨賢秋  
娘妨老大紅拂燭幾先不羨纏頭錦頻辭買笑錢  
未曾眞箇日無可奈何天烏鳥思還哺鴛鴦誤作  
仙難迎桃葉渡仍上木蘭船夙願違茵席離懷唱  
綺筵風輪迴異日坤扇轉他年欲別難成別無緣  
卻有緣強顏聊莞爾回首總悽然約豈三生負恩  
還再世聯青鸞書欲寄紅豆曲相連命薄星原小



情深月易圓海枯同石爛此恨兩難斷

元旦立春自題畫梅

萬紫千紅未吐芽天教風雪顯奇葩立春元日初  
調墨恰畫人間第一花

黃姑詞

銀漢無塵秋雲薄七襄未獻情緒惡天邊惹恨有  
黃姑年年空負牽牛約雲璈仙樂雙耳盈玉簫獨  
奏音淒清青鸞待詔無消息碧落茫茫此夜情瑤  
宮璇室金屈戌傳聞羅剎能輕入飛琼玉質本難  
知停梭淚比鮫人泣那堪蜃市吐腥涎渾茫碧海  
迷青天六萌未駕蒼鰲足懶整雲翹號散仙鈿雀  
金蟬任傾碎不分姬姜真憔悴小謫塵寰十二年  
石髓寒漿成獨酌九轉還丹春復秋不及人間盧  
莫愁織就珠璣千疊錦曾須風送到瀛洲

擬王建新嫁娘

合歡帶已解齊眉案乍舉低首見郎來佯與小姑  
語

衙齋女牆添建竹樓登眺

小樓危坐對斜暉  
牆外山光繞四圍  
落子有聲宜玉局  
抱琴無語理金徽  
柳堤雨織流鶯囀  
芹沼泥銜燕子飛  
倚枕卧觀垂釣叟  
臨淵早息漢陰機

東安石麟山有梅花岩爲高士張穆之隱  
居故址前縣令文公晟有過梅花岩題  
壁詩瀛生謝學博錄示同人廣招屬和  
率成四章卽用原韻

百卉前頭吐蕊先  
萬花齊放翠岩巔  
而今空有芳名在  
片石滄桑百數年

梅花鐵石山房詩鈔卷上

十

詩情不盡雨雲催  
難得軒窗四面開  
擬種梅花三百本  
空亭香夢鶴歸來

捫薜扳蘿策杖難  
嶙峋瘦骨本清寒  
全家移向名山住  
不羨王晞爛熟官

寒潭冷月影橫斜  
爭把孤山屬謝家  
鐵石心腸原故物  
厖廬將香豔賦梅花

自畫梅花便面

零星數點亦天機  
冰雪叢中絕豔姿  
自畫自書還自讀  
無人更向汝瑕疵



嶺南天曉少雪壬辰冬十有一月之初六  
出續紛祥霽迭降喜用東坡尖叉韻以

誌瑞

風沙摧盡草纖纖  
擱筆平章律倍嚴  
柳未沾衣先作絮  
梅非調鼎已堆鹽  
瓊花頃刻迷雕檻  
冰柱參差掛綺檐  
莫笑青山頭易白  
歲寒高峙數峯尖  
撥墨雲堆學畫鴉  
山中高卧孰停車  
三千銀界重鋪粉  
十二瓊樓盡散花  
逸致探梅尋戴宅  
風流煮茗豔陶家  
小橋獨過騎驢客  
籠袖低吟手自叉

梅花鐵石山房詩鈔卷二

上

佐治十年偶然有得

政貴得民情民情本易得曲意以求之情僞乃百  
出官以法繩民民亦伺官隙官民交相仇朝任而  
暮斥所以強梁徒莫敢加窮詰嗟哉良懦民弱肉  
而強食

治道貴清淨百姓乃甯一自然利當興太甚弊先  
絕非利而利之利亡害轉溢改絃重更張王道非  
操切

庶人在官役祿足代其耕驅策與奔走亦猶是簪

生後世祿不足乃習殘賊行上旣征其利彼亦求  
取盈官符急星火豺虎肆縱橫清源先正本情法  
乃持平

商鞅開阡陌小民多怨咨王莽復井田治法如亂  
絲相沿遂成俗驟革徒滋疑大哉古聖言默化在  
潛移三年期月中因時以制宜鼎新占革故使由  
不使知

聖人立大法奸僞莫能逃前令與後律積久如牛  
毛巧吏風其間輕重權獨操舞文工刀筆窮民多  
嗷嗷法有法外意千載重蘇皋

秋日雜感

我生百無能衣食事奔走貧字莫療饑青衿難坐  
守挾策干諸侯筆耕餬其口年年作嫁衣纖纖憐  
素手往歲蒞鶴峯歷時苦未久竭來瀧江東蔗况  
一無有中更多家難鳴鳴徒擊缶行矣將別離心  
緒紛難割

此地有崇山邱壑恣奇僻暇日快登臨人生幾兩  
巖朗耀躡九星古洞何年闢碧虛透空明太空通



潮沒西嶂芙蓉屏東臥麒麟石一柱獨擎天拔援  
依傍絕遊訪少高蹤山靄自太息寥落蠻煙中苔  
痕千年碧

民風本勤樸濡染習強梁害禾多蠹賊異種雜猺  
狠但畏周人粟不戀召公棠鴛鴦多宿野雀鼠時  
穿墻賦役無定藉此界混彼疆里長追胥急補牢  
嗟亡羊弱肉供強食醜類潛披猖慙不畏法網桓  
東少年場官民交相惡謠詠工雌黃大府操束溼  
止沸以揚湯火烈濟水懦惟暴古循良

梅丘鐵石山房詩鈔卷上

十三

羅苛古搖穴去縣三百里棄與颺脫同附庸非晉  
鄙鞭長嗟莫及奸盜從茲起淵藪華遁逃五縣爲  
唇齒赴訴苦崎嶇父母非率邇俗多虎而冠惡或  
千夫指畫野本不臧其咎在經始敬告周司徒願  
言正疆理

福兮禍所倚臨深復履薄八載佐瀧東四口多於  
昨福誠不敢邀孽或少自作掌中雙明珠姊妹堪  
嬉樂吉夢協熊羆遠葩亦附粵虎子氣食牛棗栗  
時恣索人言阿謔起嶺然見頭角食指日以增屢

空羞囊橐

己丑歲云暮竹林失平安不特阿咸惜兼憐伯道  
單買舟雙槳急淒淒江水寒入門撫小櫓一痛摧  
心肝慰我白髮兄寬言勸加餐兄亦強作達老淚  
珍沅瀾匆匆別兄去相見良獨難

上年哭我侄次年哭我兄分形實同氣手足無限  
情鴿原悲急難雁影多離聲默默阿于唱五夜千  
愁并大宗幸得繼傷哉猶啼嬰

除父

梅花鐵石山房詩鈔卷二

一四

歷換樓羅一歲除春光寫入歲朝圖仙城車馬如  
流水風雪何人間敝廬

舉世人爭忙此夕經年我正惜今宵奚囊佳句從  
頭數祭爾長江酒一瓢

送窮無術習難除新墨書將鬱壘符鏡聽劇憐中  
饋婦打灰空笑執炊奴

不知今夕誠何夕共祝新年勝舊年我有癡獸渾  
不賣藉將守歲擘吟箋

紅燭光搖虛耗除快斟柏盞錢屠蘇貧家未剖黃



羊薦司命朝天醉也無

題清明上河圖

圖爲宋翰林畫史張擇端手筆高不滿  
尺長二丈有奇城市橋梁宮闕村野士  
女農商以及舟車貨物罔不纖悉畢具  
惟妙惟肖洵神品也上有徽宗瘦金籤  
五字及雙龍小璽金大定間燕山張著  
始有序跋謂畫當作於政宣間而宣和  
畫譜故不錄元大德間有鄭元祐續跋

海影戲山房詩鈔卷上

十五

及袁桷題詞至正間又有蜀川虞集詩  
至有明李西涯爲之圖記所載流傳頗  
未甚備甲午夏季予獲觀於花縣周大  
令署齋晴窗展讀恍如置身於汴京一  
觀景物蕃熙之盛焉

黯盡衣光天水碧無復黃襪好顏色良宮花石落  
誰家紙上神州猶未擲承平日久事歡娛宣和御  
墨人間無博士盡收五嶽觀太清樓下集圖書就  
中三絕超羣者畫史張郎最妍雅太平潤色耀丹

青瘦金標格親題寫興國初當全盛時金城粉堞  
沸湯池撲地間閭看輻輳連雲甲第起參差舳艫  
銜尾環河曲百貨雲屯事徵逐長堤日暮起笙歌  
三五花枝紅映肉况逢寒食暮春天御河柳色含  
輕烟處處鞭絲金勒馬家家載酒水蘭船得意長  
安甘似蜜噉名江左多於鯽衣冠爭指太師園文  
謙何如天聖日綺麗風光畫不成幾回慘淡復經  
營憑將殺粉調鉛意寫出肩摩轂擊情忽聞金鼓  
連天奮威哀由來無定連離梁伐木盡摧薪金鉏

委地無人問聞道蒙塵出漢關青城猶唱念家山  
裕陵弓劍稽山側嗚咽河聲望幸還殺懸飛天奴  
叛主羽換宮移非舊土太息殘山賸水間中興瑞  
應猶煩譜披圖我更慨興亡錦繡河山幾戰場地  
下蟲沙久灰劫畫中仕女尚紅粧妙繪流傳應有  
數千年玉躔完如故私家印識幾朝人顧曲風流  
好持護



梅花鐵石山房詩鈔

平江宋彥成順之

魏宮詞

才士例應多負俗美人豈盡出良家當塗立后都  
從賤一代風流漫自誇

踞機不下枉悲嗟無復同心七寶車命薄自知憐  
妾賤椒房終勝屬倡家

銅雀春深月有痕買絲繡履怨長門御溝未得通  
韓椽贏得分香謝至尊

梅花鐵石山房詩鈔卷六

袁家新婦配參軍平視應慚賦感甄太息五官終  
薄倖無言不及息夫人

奇謀踐祚女中王沒入銅鞮枉自傷漫道移宮同  
等事漸臺信使慕貞姜

一自芳華曲宴陳才人占盡御園春宸遊昨日歡  
無極中語微聞禍有因

蜀漢雜咏

大義滅國賊英雄屬使君卧龍孚一德躍馬定三  
分先王備

願終此間樂渾忘蜀道難當筵聞故技豈復有心

肝後王禪

昭烈英風在猶傳北地王君臣死社稷何代不興

亡北地王諶

妒玉先承寵椒房位合膺蘋蘩修內事同穴葬山

陵甘后

銀燭刀光耀紅裝列兩行板髯傳白帝極浦問劉

郎孫夫人

國破家亡後明珠碎洛陽劇憐諸蜀妓都作魏宮

梅花鐵石山房詩鈔卷下

二

王李昭儀

王化首關雎鼓鐘歡愛洽懷羸事晉文哀亂安足

法吳后

連吳慶赤壁伐魏出祁山千載風雲氣常留八陣

間諸葛亮

威鎮荆襄曰曹瞞議徙都天心如祚漢蒙艦詎能

圖關雲長

瞋目橫矛立千夫不可當虎狼威易伏蓬蒿毒難

防張飛



太息潼關役馬兒信布儒先聲摧蜀郡舊德著涼

州

馬超

一戰定軍山全收漢中土美髯自軼倫莫羞與噲

伍

黃忠

弱主身懷抱艱難雍樹馳一身都是膽願阻伐吳

師

趙雲

老鳳推德公鳳雛亦冠冕遺恨雒城中驥足猶未

展

龐統

不肯學絕裾陵母反抱痛獨自念慈烏何心更附

鳳

徐庶

一飯恩曾報睚眦怨必酬東行誰可制追憶涕橫

流

法正

強識工書畫人傳小葛侯死綏綿竹地身沒志難

酬

諸葛瞻

不屈生降膝將軍可斷頭窮山嗟放虎先切杞人

憂

嚴顏

名士多虛譽英聲第一流子昭雖賈豎未足屈文

休許靖

貨殖雍容象軍籌賴助資同車逢洛女天使詎能私

麋竺

罪釀惟求具行淫縛亦同片言能悟主枚朔有遺風

簡雍

機伯誇才辨尋盟意氣豪羞稱無道主拜起未爲勞

伊籍

揆藻窮天辯雕龍炙過髡三分終鼎足西顧竟無言

秦宓

幼宰崇清節家無擔石儲殷勤恆十反忠告竟何

如

董和

梅花鐵石山房詩鈔卷下

四

學愧楊朱術虛箕詎可師託身滄海日去就昧從違

劉巴

馬氏號五常白眉稱最良街亭終誤國競爽愧高

陽

馬良

馬謖

賦性忠純異知人識正方腹中鱗甲具何意復侑

張

陳震

好士游談久停驂雅事傳立朝唯正色黃皓竟無

權

董允



前有呂季陽後有王文儀通財利國用鹽鐵陋刀  
錐呂久王連

固守推羅霍雄師決縱擒不聞興復效一旅借

郭羅憲霍弋

所患不在貧惟以和爲貴忠訓久傳家行陣作士

氣何明向寵

中夏元常匹瓠壺妄肆詆私奔卓氏女終勝買臣

妻張裔

說士甘如肉同升慕昔賢笑他非馬駛公未著先

鞭楊洪

梅花鐵石山房詩鈔卷下

五

宏才兼數縣摘伏竟如神好夢桑生井齡延卅八

春何祇

迂曲昧時宜忠言忤英主叩馬有微詞綱常懍千

古費詩

蘭草當門刈膏焚自殞身諸毛徒繞頰潞涿獨憐

君張裕

官職盡名曹當塗魏闕高炎精雖具授典午亦徒

勞杜瓊

水火分門戶攻標氣不平倡優方一笑刀杖互相爭許慈

戡亂須才智青宮器早儲豈同諸博士探策問圖書孟光

興廢由天命誰貽面縛羞譙周工賣國易代覓封侯譙周

閉目渾無淚誠如卻正言疾風知勁草顛沛敢忘恩卻正

公衡真快士料敵勢分明竄迹羈他國悽悽故主

梅花鉢石山房詩鈔卷下

六

情黃權

德昂輟諸蠻李平惟秉直勲名竹帛間高風垂絕域李恢 呂凱

前雖亡黃權後乃得狐篤世不乏賢才明主貴拔錄馬忠

所識不十字書能口授成雄談史漢事迂論笑鯁生王平

德化施蠻貊旄牛路復通男兒裹馬革遂命殞交

鋒張疑



牛鼻三公象艱難付重臣措施非憤憤猶說愧前人  
蔣琬

旁午軍書急紛紜羽檄馳知君能辦賊雅量見圍  
棋費禕

自笑蛇添足無功狄道圍膽真如斗大遠志誤當  
歸姜維

馮唐猶未老七十正侯封善射誇猿臂何須論吉  
凶鄧芝

不廢公家務籌謀敢自寬羞同京兆尹五日暫偷

安  
張翼

梅花鐵石山房詩鈔卷下

七

一斛明珠贈千金使宗預輕何求年少輩七十未還

自訂金石交振卹全終始接物防過情書事希盈  
紙楊戲

擬老杜諸將九首

爲拯藩封著遠謨將將一炬掃倭奴先機失着棋  
遭劫孤注無援局易輸不戰豈關兵器拙無謀終  
覺將才麓邊隅何日烽煙靖好藉天威爲剪除

敗耗傳來幾處同  
草茅憂憤竟無窮  
不聞夾寨憑天險  
遑問飛車擅火攻  
大帥無能苦縱敵  
書生有膽願從戎  
俞龍戚虎今何在  
威略還思仗海公  
風雲陣勢貴神奇  
專闢聲威養昔時  
豈有驕淫能殺敵  
互相觀望不成師  
連營已失邀軍賞  
撥亂無才負主知  
所幸聖明垂萬里  
朦朧功罪未能欺  
軍無紀律任亡羊  
天問何從吊國殤  
搜掠民財忘令甲  
虛糜軍餉入貪囊  
賊疑風鶴來前路  
人化蟲沙付戰場  
震厲天誅誠莫測  
師徒喪失罪難償

梅花鐵石山房詩鈔卷下

八

寧南銅柱舊家風  
兵困壺頭救助窮  
聲絕鼓聲千帳黑  
火連營壘萬山紅  
飛而食肉真人傑  
死尙留皮作鬼  
雄馬革裹屍臣志遂  
千秋非望報豐隆  
禁旅藩兵羽檄紛  
淮軍已去又湘軍  
幾人能獻平蠻策  
先事曾頒諭蜀文  
助順不妨封下瀨  
攻堅無敵募摩雲  
吾家賴有元戎在  
努力先成汗馬勲  
名士誰當曳落河  
孫吳兵法外編摩  
乘風破敵懷橫海  
便地勾留詈伏波  
馬上貽看傳露布  
刀頭遞聽唱鐃歌  
雄關獨仗泥丸守  
莫使夷踪半步過

箕子遺封付劫灰故宮遙望白龍堆江沉鐵蹶舟  
難越地有金城敵未摧渡海軍書傳夜電連天烽  
火失春雷夜郎自大終擒馘好漆頭顱萬里來  
狼狽相依恃爪牙島夷蠢動久萌芽樓船屢擊中  
流檣博望虛乘海上槎飛輓軍儲車載粟驚呼賊  
勢礮開花聖朝不諱陳危論杜牧狂言罪莫加

題謝安石畫像

衰朝何幸竟逢君雅量能收汗馬勲底定中原輸  
一着支持半壁笑三分香囊戲賭情無拂蠟屐遊

梅花鐵石山房詩鈔卷下

九

春折未聞屬望蒼生原有在半山爭論太紛紛

次韻吳學博見贈長歌卽以誌別

文章入妙皆天成風南雅頌時難并柏臺鉅製宏  
漢京河梁贈答悲子卿六朝蘊藉唯步兵唾棄土  
飯與塵羹唐初燕許懷忠貞元白韓柳殊枯榮少  
陵投老東南行夢唵天姥稱狂生東野咄咄鳴不  
平郊寒島瘦音淒清眉山蘇氏難爲兄其書滿家  
恒千簾劍南山谷詞縱橫四家七子徒孤撐梅村

詩史今庠黌延陵季子早蜚英攜句醉問青天驚



詩補白華歌由庚焚書意不噴秦嬴棄彼糟粕顯  
其精洪鐘鏜鏜鳴長鯨議論風生四座傾天教司  
鐸來花城三年荏苒移蜚鷗會須束帛投干旌遑  
羞苜蓿多譏評嗟予久慕蘭生名入林把臂忘送  
迎投桃贈李愧瑤瓊狂歌一爲調秦箏石友堪結  
歲寒盟竹窗促膝挑銀燭清談莫苦忘殘更忽聞  
邊塞征鐃聲平戎擬策獻承明出谷禾穎遷喬鶯  
氣化推遷常虛盈乘桴海外遺世情閒鷗休猜與  
人爭紛紛黑白推棋枰愁聞伐鼓兼鳴鉦應知虛  
關休悵驪駒賡時平與子歌韶韻

悼亡二十四首

生相憐愛死相捐七尺空棺汝獨眠女哭兒啼渾  
不省教儂終日淚潸然

並頭花折各分張連理相思事渺茫不信枯桐心  
竟死劇憐厄間似黃楊

瘦骨支床淚滿襟忍收墮履與遺簪營齋營奠無

長物質盡閨中纏臂金

春風鬢影事全非無暇瑤琴理玉徽聽到離鸞音  
欲絕淒淒牧犢雉朝飛

慘然執手命如絲十四年華大可悲角枕錦衾成  
獨旦雞鳴從此廢風詩

連波曾識錦文迴雁字書空寄遠來剩有秦嘉詩  
數首青鸞誰爲達泉臺

佳節時逢一惘然尊章恨未侍堂前從今地下修  
甘旨二老應憐新婦賢

女誠遺箴奉若師喃喃成誦宋唐詩最憐小女牽

衣哭婉婉何從學母儀

珠樹三株笑宜馨衰微寒祚覺伶仃嬌兒索母猶  
疑睡不道長眠人不醒

描摹玉貌爲傳神步帳凌虛認未真畫筆塵封眉  
黛淺休論江管尚生春

秋風颺颺報頻仍對泣牛衣記未曾檢點陳編殘  
漏盡更無人惜讀書鐙

由來福慧本難兼兩韻新詩信口占記得圍爐風  
雪夜評量飛絮不如鹽

井臼躬操素志諧居然襦布與荆釵黔婁誤嫁原  
多累貧賤夫妻事總乖

全家移住鳳凰山兩月虛驚動百蠻今夜秦樓明  
月冷空留蕭史在人間

放鶴亭邊賃廬居濫依油幕類傭書青山有約能  
偕隱誰共鮑宣挽鹿車

瀧東瀧水水連灘泛宅浮家去復還淚比西江流  
不斷夜臺可有望夫山

綠柳陰中杜宇聲一年寄跡在花城前身合是瑤

梅花鐵石房詩鈔卷下

七

池使管領芙蓉定屬卿

慈悲未錫返魂香靈藥難尋海上方若得鴻都問  
消息思從驛路訪桐桑

未成脈望已成仙小謫塵寰四十年解脫異香留  
滿室姓名應逮大羅天

平時小別語丁寧此日無言赴渺冥愁緒千條無  
可訴自書哀誄告亡靈

屈戌重重影寂寥鰥魚不寐泣中宵魂歸試向巫

陽卜爲誦吾家大小招



鰈綃濕透淚千行  
比目纔分已斷腸  
縱有黃花能續命  
此生難得舊糟糠

元相悼亡愁似繭  
安仁傷逝鬢如絲  
壁留遺掛餘芳歇  
仿佛燈前擁髻時

紫玉成烟哭暮天  
海枯石爛恨綿綿  
三生石上前因在  
再世草舉重結緣

檢行篋得亡婦手書二緘  
另手錄會真記  
風光在眼前  
奈玉人不見數句人亡物在  
有同先識不禁泫然生感

梅花鐵笛長詩鈔卷一

七

魚函幾度勸加餐  
欲寄盤中下筆難  
雁訃秋來書不到  
郵程誰爲報平安  
烏絲遺跡尙如新  
字仿簪花妙入神  
修到梵宮人不見  
何須重問武陵津

題畫

門外春帆十幅蒲  
亭橋水滿欲平湖  
杏花時節晴鳩暖  
酒熟何須待市沽

夜月懷舍弟梧州

碧草生春色  
柴門淑氣迎  
不才仍作客  
玩世本無情

爭驢磨皆陳迹。雞鳴是惡聲。阿連徒夢寄。誰與話真情。

連宵春雨足。錦被薄生寒。鴛夢同驚散。鵲原自覺單。一宮猶落拓。八口尙艱難。今夜西江月。花前忍獨看。

它城懷古。在今河源縣。故址不可考。

服嶺南郊。賴拊循。粵王城闕久荒榛。新知陸賈先朝漢。舊尉任囂已背秦。力控百蠻稱大長。亡同二世誤陪臣。只今江水東南去。霸業全銷古渡津。

梅花鐵石山房詩鈔卷下

十一

英雄割據事。龔傳業創龍川地。不偏水耨火耕猶食德。典衣買米去論錢。中原鹿逐王非帝。天外鳬飛吏是仙。獨有孤忠憐信國。雙珠遺曜戍城邊。

自題撫琴小影。

客若有憂思。撫絃理清曲。不聞奏求凰。但聞彈別鵠。羨彼雉朝飛。羣雌呼粥粥。淒淒復淒淒。無裳悲牧犢。豈無鳩可媒。鸞膠意未屬。豈無魚可媵。偏絃韻轉促。彼美洵永懷。春風雲鬢綠。失此賞音人。餘情空振觸。



篝燈課讀圖

燈影長。兒影小。節母有佳兒。勤課忘昏曉。書聲高。  
漏聲急。兒可繼芸香。母正含冰蘖。念兒無父有父。  
書。父志未成母曰吁。兒已成名母哀謝。廿年拋卻。  
機絲夜。我披圖畫發光芒。如聞夜讀聲琅琅。母氏。  
劬勞真莫報。兒時燈味詎能忘。春萱茂。喬松節。願。  
向圖中爲點綴。萱愛春暉日正長。松抱冬心壽無。  
極。

題李自像

梅老鐵石山房詩鈔卷下

七

逆旅留春景。良宵秉燭尋。江湖空放眼。霄漢自懸。  
心。酒與青天醉。詩偕白雪吟。奇才人欲殺。懷古一。  
沾襟。

題畫

年來久息漢陰機。卜築臨江倚釣磯。疎雨斜陽山。  
色好。芳林歸鳥背人飛。

芳林歸鳥背人飛。此中大有文章。

性情之主。性有佩服而已。

壬申六月廿五日。書此。





君詩風華駘宕才藻繁富足以繼跡三吳

謂梅村漢桂澹

也然亦微傷於平易用所長能避所短則推倒一時至盟壇坫不必多讓也戊戌三月既望朱啓運讀一過妄有獻替未必能當以備采擇云爾

津 古	册数 1	
	定价	200



31